

**“TASDIQLAYMAN”**



**Denov tadbirkorlik va pedagogika  
instituti rektori**

**G'.Raximov**

**2023-yil**

---

---

**O'ZBEKISTON RESPUBLIKASI OLIY TA'LIM, FAN VA  
INNOVATSIYALAR VAZIRLIGI**




**DENOV TADBIRKORLIK VA PEDAGOGIKA INSTITUTINING**

# **SHARAF KODEksi**

---

**Denov — 2023**



## Mundarija

Kirish .....	3
Denov tadbirkorlik va pedagogika institutining maqsadlari.....	3
Denov tadbirkorlik va pedagogika instituti jamoasi	
“Sharaf kodeksi”ning ma’naviy-axloqiy normalari .....	3
“Sharaf kodeksi”ning qo‘llanilishi .....	6
“Sharaf kodeksi” nozirlarining huquqlari.....	6
“Sharaf kodeksi” nozirlarining vazifa va majburiyatları.....	7
“Sharaf kodeksi” normalariga rioya etilishini nazorat qilish.....	7

## 1. Kirish

Ushbu “Sharaf kodeksi” o‘zida Denov tadbirkorlik va pedagogika institutining (keyingi o‘rinlarda institut) qisqa davr davomida shakllangan hamda “Yangi O‘zbekiston taraqqiyoti strategiyasi” talablaridan kelib chiquvchi korporativ qadriyatlarni mujassam qiladi;

Institutning “Sharaf kodeksi” institut professor-o‘qituvchi va boshqa xodimlari, talabalari, doktorantlarini korporativ qadriyatlar asosida birlashtiradi hamda ularning xulq-atvor normalarini, faoliyatining ma’naviy-axloqiy me’yorlarini belgilaydi, kasbiy odob-axloqining tamoyillari, normalari, ta’lim-tarbiya jarayoni va korporativ xulq-atvorining asosiy qoidalariga rioya qilinishini hamda ishga, o‘z-o‘ziga o‘zar munosabatlarni tartibga soladi.

Ushbu kodeks bizning faoliyatimizning ma’naviy-axloqiy asosi bo‘lib, xatti-harakatlarimizni, qabul qiladigan qarorlarimizni tartibga soladi. “Sharaf kodeksi” institutning beba ho qadriyatlarni sharaflaydi, himoya qiladi, yanada mustahkamlaydi hamda bizning:

Strategik maqsadimizga yetishimizda;

o‘zaro hurmat-izzat, mas’uliyatlilik va boshqa yuksak ma’naviy-axloqiy fazilatlarga asoslangan korporativ madaniyatimizni bunyod qilishimizda madadkor bo‘ladi;

institutning turli kasb, daraja, avlodlar, millat vakillari bo‘lgan professor-o‘qituvchilar, xodimlari, talabalari (bakalavr, magistr) ishonadigan, amal qiladigan, bir korporativ maqsad yo‘lida birdam bo‘lishga chorlaydi.

Shuning uchun ushbu “Sharaf kodeksi”ga amal qilishni har bir professor-o‘qituvchi, xodim, talaba o‘zining sharafli burchi deb biladi.

## 2. Denov tadbirkorlik va pedagogika institutining maqsadlari

Institutning joriy maqsadi — zamonaviy pedagogik va axborot kommunikatsiya texnologiyalarini qo‘llash asosida bozor iqtisodiyoti talablariga mos raqobatbardosh, yuqori malakali kadrlar tayyorlashdan iborat.

Institutning strategik maqsadi — ta’lim-tarbiya sifatini oshirish, jahon talablari darajasiga ko‘tarish orqali jahon Universitetlarining 1000 taligiga kirish, O‘zbekiston oliy ta’lim muassasalari orasida liderlik pozitsiyasini qo‘lga kiritish va saqlab qolishdir.

## 3. Denov tadbirkorlik va pedagogika instituti jamoasi “Sharaf kodeksi”ning ma’naviy-axloqiy normalari

Institutda o‘zaro munosabatlarning asosiy tamoyili - bir shaxsning huquqi boshqa shaxsning huquqini paymol qilmasligi lozim, jumladan jamoa a’zosining so’z erkinligi unga birovga tuhmat qilish, uni xaqorat qilish, o‘zaro munosabatlarda umume’tirof etilgan axloq qoidalarini namoyishkorona mensimaslikda ifodalananuvchi behayo so’zlardan foydalanish huquqini kafolatlamaydi, e’tiqod erkinligi diniy marosim

liboslarida institutga kelish huquqini, kiyinish erkinligi ta'lim maskanida tarbiya jarayoniga salbiy tasir qilish huquqini kafolatlamaydi.

#### **4. Jamoaning umumiy burchlari**

**Biz – Institut jamoasi, har birimiz ushbu “Sharaf kodeksi”ga amal qilsak, institut faoliyatining samaradorligi oshishiga, O‘zbekistonda va jahonda uning shon-sharafi yuksalishiga ishonamiz.**

**Biz Institutning tarixiy ilmiy-ma’rifiy qadriyatlarni asrab-avaylaymiz** — institutning ilmiy, tarbiyaviy an’analarni, professor-o‘qituvchilarini, xodimlari, talabalari ishonadigan, jamoa tomonidan amal qilinadigan, qadrlanadigan sharaflanadigan fazilatlar, yutuqlar, munosabatlar, xotira, yodgorliklarini e’zozlaymiz.

**“Biz bir jamoa — bir komanda” ruhiga sodiqmiz** — biz xodim, talaba va doktorantlari o‘z o‘qish va xizmat faoliyatlarini ma’naviy-axloqiy qadriyatlari, vatanga sadoqat, xizmat va o‘qish burchiga sodiqlik asosida jamiyatning institutga talabi va ishonchini ifodalagan holda bir komanda bo‘lib amalga oshiramiz. Bir-birimizni beg‘araz qo‘llab-quvvatlaymiz, yuzaga keluvchi muammolarni yechishda hozirjavob va birdam bo‘lamiz.

**“Biz korrupsiyaning har qanday ko‘rinishiga qarshi turamiz”** — institut xodim, talaba va doktorantlari korrupsiyaning har bir shakli va ko‘rinishini qabul qilmaydilar va uning biror-bir tarzda namoyon bo‘lishiga qarshi hamjihatlikda qonuniy choralarini ko‘radilar.

Biz Korrupsiyaga qarshi kurashish dasturi va institutning professor-o‘qituvchilarini, xodimlari, talaba va doktorantlari tomonidan “Korupsiyaviy jinoyatlar sodir etishga og‘dirish maqsadida murojaat qilish holatlari haqida xabardor qilish to‘g‘risida”gi nizom talablarini so‘zsiz bajaramiz.

“Sharaf kodeksi” ustoz-shogirdlik an’alariga hamda ustozlarning ma’naviy-axloqiy liderligiga asoslanadi. Har bir kafedra mudiri, dekan va uning o‘rinbosarlari, tyutorlar talaba va doktorantlarga “Sharaf kodeksi”ga mos xulq modelining namunasi bo‘ladilar.

#### **5. Institut professor-o‘qituvchilarini va xodimlarining sharaflari burchlari:**

**Biz —institut professor-o‘qituvchilarini, xodimlari, talabalari va doktorantlari O‘zbekistonning inson kapitalini yaratishdek mas’uliyatni zimmamizga olganmiz va bundan fahrlanamiz.**

Biz vatanparvar, yuksak malakali, institutimizga munosib pedagog va tadbirkor shogirdlar yetishtirib, ularning hurmatiga sazovor ibratli ustozlar bo‘lamiz.

Biz har bir talaba, doktorantda avvalo insonni, shaxsni ko‘ramiz va ularga ustozlikni o‘zimiz uchun sharaf deb bilamiz.

**Institut professor-o‘qituvchilarini va xodimlari talabaning mehribon va talabchan do‘sti.** Biz inson qadrini ulug‘laymiz, har qanday takabburlikka qarshimiz va talabalar bilan muloqotga har doim ochiqmiz.

Biz talabalarda vatanga sadoqat, tadbirkorlik, irodalilik, mafkuraviy immunitet, mehr-oqibatlilik, mas'uliyatlilik, tolerantlik, huquqiy madaniyat, innovatsion fikrlash, mehnatsevarlik kabi tayanch fazilatlarni tarbiyalash uchun o'z ustimizda doim ishlaymiz.

Biz o'z fanimiz bo'yicha yangiliklarni, xorij tillari, pedagogik va axborot texnologiyalarini o'rganish bo'yicha muntazam ishlaymiz.

Biz talabalarni ilmiy-tadqiqot ishlariga qiziqtiramiz. Yoshlarni kashfiyotlar olamiga olib kirishni o'zimizning ustozlik burchimiz deb bilamiz.

Biz - professor-o'qituvchilar va xodimlar o'zimizning tashqi ko'rinishimiz, xulqimiz bilan talabalarga ibrat bo'lamiz.

Biz ish vaqtidan samarali foydalanamiz, institutning moddiy-texnik ashyolari, mulkini asrab-avaylaymiz

Biz institutimizda "Sharaf kodeksi"ga zid harakatlarning oldini olishga, to'xtatishga harakat qilamiz.

### **Talaba va doktorantlarning sharaflı burchlari:**

**Biz talaba va doktorantlar** vatanga sadoqat, zamonaviy bilim va ko'nikmalar bizning baxtli bo'lishimizga va vatanimiz O'zbekistonni yuksaltirishiga ishonamiz va shu sababli tirishqoqlik bilan o'qiyimiz.

**Biz talaba va doktorantlar** o'zligimizni anglab, o'z xarakterimizni kuchaytirib, irodamizni chiniqtiramiz. Chunki ana shundagina biz o'z kuchimizga tayanib, mustaqil hayotda muvaffaqiyatlarga erisha olamiz.

**Biz talaba va doktorantlar** bunyodkor, kreativ fikrlaymiz, chunki odamning fikrlari uning so'zlariga, xatti-harakatlariga aylanadi. Kim bunyodkor, pozitiv fikrlarni o'ylasa, u hayotda ham bunyodkor bo'ladi, vayronkorlikka qarshi turadi.

**Biz talaba va doktorantlar** yaxshi fikr, yaxshi so'z, yaxshi amal qoidasi asosida yashaymiz, chunki sizga odamlar qanday munosabatda bo'lishlarini istasangiz, ularga shunday munosabatda bo'lish kerakligiga ishonamiz.

**Biz talaba va doktorantlar** bir necha xorijiy tilni, axborot texnologiyalarini, o'z mutaxassisligimizni yuksak darajada egallaymiz, chunki biz shunday qilmasak o'zimizni, O'zbekistonimizni, oilamizni farovon qila olmaymiz.

**Biz talaba va doktorantlar** institut sha'nini yuksak maqomda saqlaymiz, kundalik hayotda va ijtimoiy tarmoqlardagi yozishmalarda namunali xulq-atvor bilan institut imijini yuksaltiramiz.

**Biz talaba va doktorantlar** institutni bitirib, qayerda, qaysi lavozimda ishlashimizdan qat'iy nazar, institut shon-sharafiga munosib bo'lamiz.

Ustozlar ishonchini oqlaymiz.

Yangi O'zbekiston taraqqiyotiga sadoqat bilan xizmat qilamiz.

### **6. "Sharaf kodeksi"ning qo'llanilishi**

“Sharaf kodeksi”da belgilangan ma’naviy-axloqiy xulq normalarining munosib ijrosini yo‘lga qo‘yish, jamoatchilik nazoratini ta’minlash uchun institutning Ma’naviyat va ma’rifat Kengashi huzurida “Sharaf kodeksi”ning vakolatli nozirlari guruhi tuziladi.

Institutda rektori raisligida jamoatchilik asosida ish yurituvchi “Sharaf kodeksi”ning vakolatli nozirlar guruhi 3 yil muddatga tuziladi va guruh a’zolarining ro‘yxati institut rektori buyrug‘i bilan tasdiqlanadi.

#### **“Nozirlar guruhi” a’zosi:**

o‘z xohishiga ko‘ra yoki amaldagi qonun hujjatlari, institut ichki tartib va odob-axloq qoidalari hamda “Sharaf kodeksi” talablariga zid faoliyat bilan shug‘ullanganda;

institut xodimlari tomonidan “Sharaf kodeksi” nozirini almashtirish to‘g‘risida murojaat qilinganda rektor buyrug‘i bilan muddatidan oldin guruh a’zoligidan chiqarilishi mumkin.

Institutning yoshlar bilan ishlash va ma’naviy-ma’rifiy ishlar bo‘yicha birinchi prorektori “Sharaf kodeksi”ning vakolatli nozirlar guruhi raisining o‘rinbosari hisoblanadi.

“Nozirlar guruhi”ga fakultetlardan 1 nafar yuksak ma’naviyatli, talabchan, pedagogik-psixologik bilimlar, analistik, notiqlik qobiliyatlarga ega, ijtimoiy faol professor-o‘qituvchi, 1 nafar tyutor, 1 nafar xotin-qizlar faoli va 1 nafar faol talaba kiritiladi.

#### **7.“Sharaf kodeksi” nozirlarining huquqlari**

“Sharaf kodeksi”ning nozirlari O‘zbekistonda amalda bo‘lgan qonunlar, institut ustavi, “Odob-axloq qoidalari” hamda ushbu kodeks doirasida faoliyat yuritadilar.

Shuningdek, institutda “Sharaf kodeksi”ni joriy qilish va undagi qoida va normalarga amal qilinishi ustidan aniq mezonlar asosida “Yoshlar bilan ishlash ma’naviyat va ma’rifat” bo‘limi yoki boshqa tegishli bo‘lim bilan hamkorlikda jamoatchilik nazoratini amalga oshirish;

“Sharaf kodeksi”ni joriy qilish va undagi qoida va normalarga amal qilish bo‘yicha tushuntirish ishlarini olib borish;

“Sharaf kodeksi”ni joriy qilish va undagi qoida va normalarga amal qilish bo‘yicha profilaktik ishlarni olib borish, yuzaga kelishi mumkin bo‘lgan tushunmovchiliklarning oldini olish;

qabul qilinayotgan ichki normativ hujjatlarning “Sharaf kodeksi” qoida va normalariga mosligini ekspertizadan o‘tkazish;

“Sharaf kodeksi” nozirlari faoliyati ochiqlik va oshkoraliq prinsiplari asosida olib boriladi va institutning OAV lari orqali yoritib boriladi.

Institut, fakultet ilmiy kengashlari, Ma’naviyat va ma’rifat kengashlari yig‘ilishlarida “Sharaf kodeksi” normalarining ijrosi haqida chiqishlar qilish;

Attestatsiya komissiyalari ishida ishtirot etish;

Professor-o‘qituvchilar, xodimlar, talabalar tomonidan “Sharaf kodeksi” qoida va normalarining buzilish holatlari, ularning sabab va oqibatlarini o‘rganish va institut, fakultet, kafedralarda muhokamasini uyushtirish huquqlariga ega.

### **8. “Sharaf kodeksi” nozirlarining vazifa va majburiyatları**

“Sharaf kodeksi” noziri o‘z xulqi bilan kodeksga rioya qilishda shaxsiy namuna ko‘rsatishi;

Ma’naviy-axloqiy tahlil, tarbiya masalalari bo‘yicha o‘zining pedagogik-psixologik bilimlarini oshirib borishi;

Professor-o‘qituvchilar, xodimlar, talabalar va doktorantlar orasida Kodeks va unga amal qilishning mohiyati to‘g‘risida muntazam tushuntirish ishlarini olib borish;

Institut ommaviy axborot vositalarida, ma’naviy-ma’rifiy tadbirlarida “Sharaf kodeksi”ning ahamiyati to‘g‘risida chiqishlar qilish;

Institut jamoasida ma’naviy muhitning sog‘lom va barqarorligini ta’minalash uchun amaliy natijali ishlar qilish;

xodimlar orasida sodir bo‘lishi mumkin bo‘lgan kelishmovchiliklarning oldini olishga qaratilgan tushuntirish ishlarini olib borish;

manfaatlar to‘qnashuvi, xodimlar orasida xizmat yuzasidan muammoli vaziyatlar yuzaga kelgan holatlarda masalaga “Sharaf kodeksi” nuqtayi nazaridan baho berish;

ayrim professor-o‘qituvchilar, xodimlar, talabalar va doktorantlar tomonidan “Sharaf kodeksi” normalarining buzilish holatlariga tegishli fakt va holatlarni nozirlar guruhi muhokamasiga olib chiqish.

### **9. “Sharaf kodeksi”ga rioya qilish ustidan nazorat qilish**

“Sharaf kodeksi”ga rioya qilinishi ustidan jamoatchilik nazorati institutning “Sharaf kodeksi” nozirlar guruhi tomonidan amalga oshiriladi.

Institut professor-o‘qituvchilari va xodimlari tomonidan ushbu kodeks normalarining buzilishi oylik mukofot, rag‘batlantirish yoki kompensatsiyaning to‘liq yoki bir qismi miqdorida mahrum qilinishi, intizomiy yoki ma’muriy javobgarlikka tortilishi kabi oqibatlarga sabab bo‘lishi mumkin.

“Sharaf kodeksi” qoida va normalari to‘plangan tajribalar asosida institut jamoatchiliqi vakillari ishtirokida har yili bir marta muhokama qilinib, uning matniga o‘zgartirishlar kiritilishi mumkin.



**Denov tadbirkorlik va pedagogika instituti “Sharaf kodeksi”ning vakolati**

**NOZIRLARI guruhi**

T/r	F.I.O	Lavozimi	Guruhdagi lavozimi
1.	Raximov G'anisher Xudoyqulovich	Institut rektori	nozirlari guruhi raisi
2.	Mirzayev Mutualib Jo'rayevich	Yoshlar masalalari va ma'naviy-ma'rifiy ishlar bo'yicha bиринчи prorektori	nozirlari guruhi raisi o'rinbosari
3.	Xasanova Nodira Ibragimovna	Xotin-qizlar masalalari bo'yicha maslaxat kengashi raisi	a'zo
4.	Inotullayev Navro'z Xo'jamurotovich	Tyutor	a'zo
5.	Sodiqova Dilfuza G'afforovna	O'qituvchi	a'zo
6.	Xidirov Suxrob Bekbo'tayevich	Yoshlar yetakchisi	kotib